

中阿含經卷第三

傳三

臣

天我反不可也

竊益

切

負債

下側

和破

上去

聲

羈

瘦

上古音居反下古音背反

瘦

彷徉

上房

懈

之良

脴

苦駕

正作

脊

乃至離邪見斷邪見得正見彼命終時謂身鹿色四大之種從父母生衣食長養坐卧按摩澡浴強忍是破壞法是滅盡法離散之法彼命終後或鳥鳥啄或虎狼食或燒或埋盡爲粉塵彼心意識常爲信所熏爲精進多聞

布施智慧所熏彼因此緣此自然昇上生於善處伽彌尼彼殺生者離殺斷殺園觀之道昇進之道善處之道伽彌尼不與取邪姪妾言乃至邪見者離邪見得正見園觀之道昇進之道善處之道伽彌尼復有園觀之道昇進之道善處之道伽彌尼云何復有園觀之

道昇進之道善處之道謂八支聖道正見乃至正定是爲八伽彌尼是謂復有園觀之道昇進之道善處之道

佛說如是伽彌尼及諸比丘聞佛所說歡喜

奉行

伽彌尼經第七竟

中阿含經卷第四

薄四

東晉罽賓三藏瞿曇僧伽提婆譯

業相應品師子經第八

初一日誦

我聞如是一時佛遊鞞舍離在獵候水邊高樓臺觀爾時衆多鞞舍離麗剎集在聽堂數稱嘆佛數稱嘆法及比丘衆彼時尼捷弟子

蘇明

師子大臣亦在衆中是時師子大臣欲往見佛供養禮事師子大臣則先往詣諸尼捷所白尼捷曰諸尊我欲往見沙門瞿曇彼時尼捷訶師子曰汝莫欲見沙門瞿曇所以者何沙門瞿曇宗本不可作亦爲人說不可作法師子若見宗本不可作則不吉利供養禮事亦不吉利彼衆多鞞舍離麗掣再三集在聽堂數稱嘆佛數稱嘆法及比丘衆彼時尼捷弟子師子大臣亦再三在彼衆中時師子大臣亦復再三欲往見佛供養禮事師子大臣便不辭尼捷即往詣佛共相問訊却坐一面而作是語我聞沙門瞿曇宗本不可作亦爲人說不可作法瞿曇若如是說沙門瞿曇宗本不可作亦爲人說不可作法彼不謗毀沙門瞿曇耶彼說真實耶彼說是法耶彼說法如法耶於如法無過無難詰耶世尊答曰師子若如是說沙門瞿曇宗本不可作亦爲人說不可作法彼不謗毀沙門瞿曇彼說真實

彼說是法彼說如法於法無過亦無難詰所以者何師子有事因此事故於如實法不能謗毀沙門瞿曇宗本不可作亦爲人說不可作法師子復有事因此事故於如實法不能謗毀沙門瞿曇宗本可作亦爲人說可作之謗毀沙門瞿曇宗本可作亦爲人說可作之法師子復有事因此事故於如實法不能謗毀沙門瞿曇宗本斷滅亦爲人說斷滅之法師子復有事因此事故於如實法不能謗毀沙門瞿曇宗本可惡亦爲人說可憎惡法師子復有事因此事故於如實法不能謗毀沙門瞿曇宗本法律亦爲人說法律之法師子復有事因此事故於如實法不能謗毀沙門瞿曇宗本苦行亦爲人說苦行之法師子復有事因此事故於如實法不能謗毀沙門瞿曇宗本不入於胎亦爲人說不入胎法師子復有事因此事故於如實法不能謗毀沙門瞿曇宗本安隱亦爲人說安隱之法師子云何有事因此事故於如實法不能謗毀沙門

瞿曇宗本不可作亦爲人說不可作法師子
我說身惡行不可作口意惡行亦不可作師
子若如是比無量不善穢汙之法爲當來有
本煩熱苦報生老病死因師子我說此法盡
不可作師子是謂有事因此事故於如實法
不能謗毀沙門瞿曇宗本不可作亦爲人說

不可作法師子云何復有事因此事故於如
實法不能謗毀沙門瞿曇至宗本可作亦爲人
說可作之法師子我說身妙行可作口意妙
行亦可作師子若如是比無量善法與樂果
受於樂報生於善處而得長壽師子我說此
法盡應可作師子是謂有事因此事故不能

謗毀沙門瞿曇宗本可作亦爲人說可作之
法師子云何復有事因此事故於如實法不
能謗毀沙門瞿曇宗本斷滅亦爲人說斷滅
之法師子我說身惡行應斷滅口意惡行亦
應斷滅師子若如是比無量不善穢汙之法
爲當來有本煩熟苦報生老病死因師子我

說此法盡應斷滅師子是謂有事因此事故
於如實法不能謗毀沙門瞿曇宗本斷滅亦
爲人說斷滅之法師子云何復有事因此事
故於如實法不能謗毀沙門瞿曇宗本可惡
亦爲人說可憎惡法師子我說身惡行可憎
惡口意惡行亦可憎惡師子若如是比無量
不善穢汙之法爲當來有本煩熱苦報生老
病死因師子我說此法盡可憎惡師子是謂
有事因此事故於如實法不能謗毀沙門瞿
曇宗本可惡亦爲人說可憎惡法師子云何
復有事因此事故於如實法不能謗毀沙門
瞿曇宗本法律亦爲人說法律之法師子我
爲斷貪姪故而說法律斷瞋恚愚癡故而說
法律師子若如是比無量不善穢汙之法爲
當來有本煩熱苦報生老病死因師子我爲
斷彼故而說法律師子是謂有事因此事故
於如實法不能謗毀沙門瞿曇宗本法律亦
爲人說法律之法師子云何復有事因此事

故於如實法不能謗毀沙門瞿曇宗本苦行亦爲人說苦行之法師子或有沙門梵志倮形無衣或以手爲衣或以葉爲衣或以珠爲衣或不以瓶取水或不以搥取水不食刀杖劫抄之食不食欺妄食不自往不遣信不來尊不善尊不住尊若有二人食不在中食不

懷妊家食不畜狗家食設使家有糞蠅飛來便不食也不敢魚不食肉不飲酒不飲惡水或都無所飲學無飲行或噉一口以一口爲足或二三四乃至七口以七口爲足或食一得以一得爲足或二三四乃至七得以七得爲足或曰一食以一食爲足或二三四五六七日半月一月一食以一食爲足或食菜茹或食稗子或食穄米或食雜麪或食頭頭遷食或食鹿食或至無事處依於無事或食根或食果或食自落果或持連合衣或持毛衣或持頭舍衣或持毛頭舍衣或持全皮或持穿皮或持全穿皮或持散髮或持編髮或持

散編髮或有剃髮或有剃鬚或剃鬚髮或有拔髮或有拔鬚或拔鬚髮或住立斷坐或修蹲行或有卧刺以刺爲牀或有卧果以果爲牀或有事水晝夜手抒或有事火竟昔然之或事日月尊祐大德又手向彼如此之比受無量苦學煩熱行師子有此苦行我不說無

薄四

師子然此苦行爲下賤業至苦至困凡人所行非是聖道師子若有沙門梵志彼苦行法知斷滅盡拔絕其根至竟不生者我說彼苦行師子如來無所著等正覺彼苦行法知斷滅盡拔絕其根至竟不生是故我苦行師子是謂有事因此事故於如實法不能謗毀沙門瞿曇宗本苦行亦爲人說苦行之法師子云何復有事因此事故於如實法不能謗毀沙門瞿曇宗本不入於胎亦爲人說不入胎法師子若有沙門梵志當來胎生知斷滅盡拔絕其根至竟不生者我說彼不入於胎師子如來無所著等正覺當來有胎生知斷滅

盡拔絕其根至竟不生是故我不入於胎師子是謂有事因此事故於如實法不能誇毀沙門瞿曇宗本不入於胎亦爲人說不入胎法師子云何復有事因此事故於如實法不能誇毀沙門瞿曇宗本安隱亦爲人說安隱之法師子族姓子所爲剃除鬚髮著袈裟衣至信捨家無家學道者唯無上梵行說我於現法自知自覺自作證成就遊生已盡梵行已立所作已辦不更受有知如真我自安隱亦安隱他比丘比丘尼優婆塞優婆夷我已安彼便爲生法衆生於生法解脫老法病法死法憂感染汙法衆生於憂感染汙法解脫

薄四五

師子是謂有事因此事故於如實法不能誇毀沙門瞿曇宗本安隱亦爲人說安隱之法師子大臣白世尊曰瞿曇我已知善逝我已解瞿曇猶明目人覆者仰之覆者發之迷者示道闇中施明若有明者便見於色沙門瞿曇亦復如是爲我無量方便說法現義隨其

諸道世尊我今自歸於佛法及比丘衆唯願世尊受我爲優婆塞從今日始終身自歸乃至命盡世尊猶如有人養不良馬望得其利益自疲勞而不獲利世尊我亦如是彼愚癡尼捷不善曉了不能自知不識良田而不自審長夜奉敬供養禮事望得其利唐苦無益

世尊我今再自歸佛法及比丘衆唯願世尊受我爲優婆塞從今日始終身自歸乃至命盡世尊我本無知於愚癡尼捷有信有敬從今日斷所以者何欺詐我故世尊我今三自歸佛法及比丘衆唯願世尊受我爲優婆塞從今日始終身自歸乃至命盡佛說如是師

子大臣及諸比丘聞佛所說歡喜奉行
海德佛 性空佛

師子經第八竟

中阿含業相應品尼捷經第九 初一日誦
我聞如是一時佛遊釋禪瘦在天邑中爾時
世尊告諸比丘諸尼捷等如是見如是說謂

人所受皆因本作若其故業因苦行滅不造
新者則諸業盡諸業盡已則得苦盡得苦盡
已則得苦邊我便往彼到已即問尼捷汝等
實如是見如是說謂人所受皆因本作若其
故業因苦行滅不造新者則諸業盡諸業盡
已則得苦盡得苦盡已則得苦邊耶彼答我

言如是瞿曇我復問彼尼捷汝等自有淨智
我爲本有我爲本無我爲本作惡爲不作惡
我爲爾所苦盡爲爾所苦不盡若盡已便得
盡即於現世斷諸不善得衆善法修習作證
耶彼答我言不也瞿曇我復語彼尼捷汝等
自無淨智我爲本有我爲本無我爲本作惡

薄四

六

爲不作惡我爲爾所苦盡爲爾所苦不盡若
盡已便得盡即於現世斷諸不善得衆善法
修習作證而作是說謂人所受皆因本作若
其故業因苦行滅不造新者則諸業盡諸業
盡已則得苦盡得苦盡已則得苦邊尼捷若
汝等自有淨智我爲本有我爲本無我爲本

作惡爲不作惡我爲爾所苦盡爲爾所苦不
盡若盡已便得盡即於現世斷諸不善得衆
善法修習作證尼捷汝等可得作是說謂人
所受皆因本作若其故業因苦行滅不造新
者則諸業盡諸業盡已則得苦盡得苦盡已
則得苦邊尼捷猶如有人身被毒箭因被毒
箭則生極苦彼爲親屬憐念愍傷欲饒益安
隱故即呼拔箭金醫箭金醫來便以利刀而
爲開瘡因開瘡時復生極苦既開瘡已而求
箭金求箭金時復生極苦求得金已即便拔
出因拔出時復生極苦拔金出已覆瘡纏裏
因裹瘡時復生極苦彼於拔箭金後得力無
患不壞諸根平復如故尼捷彼人自有淨智
便作是念我本被毒箭因被毒箭則生極苦
我諸親屬見憐念愍傷欲饒益安隱我故即
呼拔箭金醫箭金醫來便以利刀爲我開瘡
因開瘡時復生極苦既開瘡已而求箭金求
箭金時復生極苦求得金已即便拔出因拔

薄四

七

出時復生極苦拔金出已覆瘡纏裹因裏瘡時復生極苦我於拔箭金後得力無患不壞諸根平復如故如是尼捷若汝等自有淨智我爲本有我爲本無我爲本作惡爲不作惡我爲爾所苦盡爲爾所苦不盡若盡已便得盡即於現出斷諸不善得衆善法修習作證尼捷汝等可得作是說謂人所受皆因本作若其故業因苦行滅不造新者則諸業盡諸業盡已則得苦盡得苦盡已則得苦邊我問如是不見諸尼捷能答我言瞿曇如是不如是復次我問諸尼捷曰若諸尼捷有上斷上苦行爾時諸尼捷生上苦耶彼答我言如是瞿曇若有中斷中苦行爾時諸尼捷生中苦耶彼答我言如是瞿曇若有下斷下苦行爾時諸尼捷生下苦耶彼答我言如是瞿曇是爲諸尼捷有上斷上苦行爾時諸尼捷則生上苦有中斷中苦行爾時諸尼捷則生中苦有下斷下苦行爾時諸尼捷則生下苦若使

諸尼捷有上斷上苦行爾時諸尼捷止息上苦有中斷中苦行爾時諸尼捷止息中苦有下斷下苦行爾時諸尼捷止息下苦若如是作不如是作止息極苦甚重苦者當知諸尼捷即於現世作苦但諸尼捷爲癡所覆爲癡所纏而作是說謂人所受皆因本作若其故業因苦行滅不造新者則諸業盡諸業盡已則得苦盡得苦盡已即得苦邊我問如是不見諸尼捷能答我言瞿曇如是不如是復次我問諸尼捷曰諸尼捷若有樂報業彼業寧可因斷因苦行轉作苦報耶彼答我言不也瞿曇諸尼捷若有苦報業彼業寧可因斷因苦行轉作樂報耶彼答我言不也瞿曇諸尼捷若有現法報業彼業寧可因斷因苦行轉作後生報業彼業寧可因斷因苦行轉作後生報業彼業寧可因斷因苦行轉作現法報耶彼答我言不也瞿曇諸尼捷若有不熟報業彼業寧可因斷因苦行轉作熟報耶

彼答我言不也瞿曇諸尼捷若有熟報業彼業寧可因斷因苦行轉作異耶彼答我言不也瞿曇諸尼捷是爲樂報業彼業不可因斷因苦行轉作苦報業諸尼捷苦報業彼業不可因斷因苦行轉作樂報業諸尼捷現法報業彼業不可因斷因苦行轉作後生報業諸尼捷後

生報業彼業不可因斷因苦行轉作現法報諸尼捷不熟業彼業不可因斷因苦行轉作熟報諸尼捷熟報業彼業不可因斷因苦行轉作異者以是故諸尼捷等虛妄方便空斷無獲彼諸尼捷便報我言瞿曇我有尊師名親子尼捷作如是說諸尼捷汝等若本作惡業彼業皆可因此苦行而得滅盡若今護身口意因此不復更作惡業也我復問彼諸尼捷曰汝等信尊師親子尼捷不疑惑耶彼答我言瞿曇我信尊師親子尼捷無有疑惑我復語彼諸尼捷曰有五種法現世二報信樂聞念見善觀諸尼捷人自有虛妄言是可信

可樂可聞可念可見善觀耶彼答我言如是瞿曇我復語彼諸尼捷曰是虛妄言何可信何可樂何可聞何可念何可善觀謂人自有虛妄言有信有樂有聞有念有善觀若諸尼捷作是說者於如法中得五詰責爲可憎惡云何爲五今此衆生所受苦樂皆因本作若

薄四

九

爾者諸尼捷等本作惡業所以者何因彼故諸尼捷於今受極重苦是謂尼捷第一可憎惡復次衆生所受苦樂皆因合會若爾者諸尼捷等本惡合會所以者何因彼故諸尼捷於今受極重苦是謂尼捷第二可憎惡復次衆生所受苦樂皆因爲命若爾者諸尼捷等本惡爲命所以者何因彼故諸尼捷於今受極重苦是謂尼捷第三可憎惡復次衆生所受苦樂皆因見也若爾者謂尼捷等本有惡見所以者何因彼故諸尼捷於今受極重苦是謂尼捷第四可憎惡復次衆生所受苦樂皆因尊祐造若爾者諸尼捷等本惡尊祐所

以者何因彼故諸尼捷於今受極重苦是謂尼捷第五可憎惡若諸尼捷因本所作惡業惡合會惡爲命惡見惡尊祐爲惡尊祐所造因彼故諸尼捷於今受極重苦是謂因彼事故諸尼捷等爲可憎惡我所自知自覺法爲汝說者若沙門梵志若天魔梵及餘世間皆

無能伏皆無能穢皆無能制云何我所自知自覺法爲汝說者非爲沙門梵志若天魔梵及餘世間所能伏所能穢所能制若有比丘捨身不善業修身善業捨口意不善業修口意善業彼於未來苦便自知我無未來苦如法得樂而不棄捨彼或欲斷苦因行欲或欲斷苦因行捨欲彼若欲斷苦因行欲者即修其行欲已斷者苦便得盡彼若欲斷苦因行捨欲者即修其行捨欲已斷者苦便得盡若彼比丘便作是念隨所爲隨所行不善法生而善法滅若自斷苦不善法滅而善法生我今寧可自斷其苦便自斷苦自不善

法滅而善法生不復斷苦所以者何比丘本所爲者其義已成若復斷苦是處不然比丘猶如箭工用檢撓箭其箭已直不復用檢所以者何彼人本所爲者其事已成若復用檢是處不然如是比丘便作是念隨所爲隨所行不善法生而善法滅若自斷苦不善法滅

草四

十

而善法生我今寧可自斷其苦便自斷苦自斷苦已不善法滅而善法生不復斷苦所以者何本所爲者其義已成若復斷苦是處不然比丘猶如有人愛念染著敬待彼女然彼女人更與他語共相問訊往來止宿其人因是身心生惱極憂感耶比丘答曰如是世尊所以者何其人於女愛念染著極相敬待而彼女人更與他語共相問訊往來止宿其人身心何得不生惱極憂感比丘若使其人而作是念我唐愛念敬待彼女然彼女人更與他語共相問訊往來止宿我今寧可因自苦自憂故斷爲彼女愛念染著耶其人於後因

自苦自憂故便斷爲女愛念染著若彼女人故與他語共相問訊往來止宿其人於後身心寧當復生苦惱極憂感耶比丘答曰不也世尊所以者何其人於女無復愛念染著之情若彼女人故與他語共相問訊往來止宿若使其人因此身心復生苦惱極憂感者是

處不然如是比丘便作是念隨所爲隨所行不善法生而善法滅若自斷其苦不善法滅而善法生我今寧可自斷其苦便自斷苦自斷苦已不善法滅而善法生不復斷苦所以者何本所爲者其義已成若復斷苦是處不然彼復作是念若有所因斷其苦者我便已

薄四
上

斷然我於欲猶故未斷我今寧可求斷於欲便求斷欲彼爲斷欲故獨依遠離在無事處或至樹下空安靖處山巖石室露地攘積或至林中或在塚間彼已在無事處或至樹下空安靖處敷尼師壇結跏趺坐正身正願反念不向斷除貪向心無有諍見他財物諸生

活具不起貪伺欲令我得彼於貪伺淨除其心如是瞋恚睡眠掉悔斷疑度惑於諸善法無有猶豫彼於疑惑淨除其心彼已斷此五蓋心穢慧羸離欲離惡不善之法至得第四禪成就遊彼得如是定心清淨無穢無煩柔輒善住得不動心趣向漏盡智通作證彼便

知此苦如真知此苦集知此苦滅知此苦滅道如真亦知此漏如真知此漏集知此漏滅知此漏滅道如真彼如是知如是見已則欲漏心解脫有漏無明漏心解脫解脫已便知解脫生已盡梵行已立所作已辦不更受有知如真如來如是正心解脫得五稱譽如法

無諍可愛可敬云何爲五彼衆生者所受苦樂皆因本作若爾者如來本有妙業因彼故如來於今聖無漏樂寂靜止息而得樂覺是謂如來得第一稱譽復次衆生所受苦樂皆因合會若爾者如來本妙合會因彼故如來於今聖無漏樂寂靜止息而得樂覺是謂如

來得第二稱譽復次衆生所受苦樂皆因爲命若爾者如來本妙爲命因彼故如來於今聖無漏樂寂靜止息而得樂覺是謂如來得第三稱譽復次衆生所受苦樂皆因見也若爾者如來本妙見因彼故如來於今聖無漏樂寂靜止息而得樂覺是謂如來得第四稱譽復次衆生所受苦樂皆因尊祐造若爾者如來本妙尊祐因彼故如來於今聖無漏樂寂靜止息而得樂覺是謂如來得第五稱譽是爲如來本妙業妙合會妙爲命妙見妙尊祐爲妙尊祐所造因彼故如來於今聖無漏樂寂靜止息而得樂覺以此事故如來於今

〔二〕

〔三〕

得五稱譽有五因緣心生憂苦云何爲五姪欲纏者因姪欲纏故心生憂苦如是瞋恚睡眠掉悔疑惑纏者因疑惑纏故心生憂苦是謂五因緣心生憂苦有五因緣心滅憂苦云何爲五若姪欲纏者因姪欲纏故心生憂苦除姪欲纏已憂苦便滅因姪欲纏心生憂苦

於現法中而得究竟無煩無熱常住不變是聖所知聖所見如是瞋恚睡眠掉悔若疑惑纏者因疑惑纏故心生憂苦除疑惑纏已憂苦便滅因疑惑纏心生憂苦於現法中而得究竟無煩無熱常住不變是聖所知聖所見是謂五因緣心滅憂苦復次更有現法而得究竟無煩無熱常住不變是聖所知聖所見云何更有現法而得究竟無煩無熱常住不變是聖所知聖所見謂八支聖道正見乃至正定是爲八是謂更有現法而得究竟無煩無熱常住不變是聖所知聖所見佛說如是彼諸比丘聞佛所說歡喜奉行

尼捷經第九竟

中阿含業相應品波羅牢經第十 初一日誦
我聞如是一時佛遊拘麗瘦與大比丘衆俱往至北村住北村北尸攝和林中爾時波羅牢伽爾尼聞沙門瞿曇釋種子捨釋宗族出家學道遊拘麗瘦與大比丘衆俱至此北村

〔四〕

〔三〕

住北村北戶攝和林中彼沙門瞿曇有大名
稱周聞十方沙門瞿曇如來無所著等正覺
明行成爲善逝世間解無上士道法御天人
師号佛衆祐彼於此世天及魔梵沙門梵志
從人至天自知自覺自作證成就遊彼若說
法初善中善竟亦善有義有文具足清淨顯
現梵行若見如來無所著等正覺尊重禮拜
供養承事者快得善利彼作是念我應往見
沙門瞿曇禮事供養波羅牢伽彌尼聞已從
此村出北行至戶攝和林欲見世尊禮事供
養波羅牢伽彌尼遙見世尊在林樹間端正
姝好猶星中月光曜暉暉晃若金山相好具
足威神巍巍諸根寂定無有蔽礙成就調御
息心靖嘿波羅牢伽彌尼遙見佛已前至佛
所共相問訊却坐一面白世尊曰我聞沙門
瞿曇知幻是幻瞿曇若如是說沙門瞿曇知
幻是幻彼不謗毀沙門瞿曇耶彼說真實耶
彼說是法耶彼說法如法耶於如法無過無

難詰耶世尊答曰伽彌尼若如是說沙門瞿
曇知幻是幻彼不謗毀沙門瞿曇彼說真實
彼說是法彼說法如法於法無過亦無難詰
所以者何我知彼幻我自非幻波羅牢說曰
彼沙門梵志所說真實而我不信彼說沙門
瞿曇知幻是幻世尊告曰伽彌尼若知幻者
即是幻耶波羅牢白曰如是世尊如是善逝
世尊告曰伽彌尼汝莫自誤謗毀於我若謗
毀我者則便自損有譯有犯聖賢所惡而得
大罪所以者何伽彌尼此實不如汝之所說
伽彌尼汝聞拘麗瘦有卒耶答曰聞有伽彌
尼於意云何拘麗瘦用是卒爲答曰瞿曇通
使殺賊爲此事故拘麗瘦畜是卒也伽彌尼
於意云何拘麗瘦卒爲有戒爲無戒耶答曰
瞿曇若世間有無戒德者無過拘麗瘦卒所
以者何拘麗瘦卒極犯禁戒唯行惡法復問
伽彌尼汝如是見如是知我不問汝若他問
汝波羅牢伽彌尼知拘麗瘦卒極犯禁戒唯

薄四

行惡法因此事故波羅牢伽彌尼極犯禁戒唯行惡法若如是說爲真說耶答曰非也瞿曇所以者何拘麗瘦卒見異欲異所願亦異拘麗瘦卒極犯禁戒唯行惡法我極持戒不行惡法復問伽彌尼汝知拘麗瘦卒極犯禁戒唯行惡法然不以此爲犯禁戒唯行惡法

如來何以不得知幻而自非幻所以者何我知幻知幻人知幻報知斷幻伽彌尼我亦知殺生知殺生人知殺生報知斷殺生伽彌尼我知不與取知不與取人知不與取報知斷不與取伽彌尼我知妾言知妾言人知妾言報知斷妾言伽彌尼我如是知如是見若有作是說沙門瞿曇知幻即是幻者彼未斷此語聞彼心彼欲彼願彼聞彼念彼觀如屈伸臂頃命終生地獄中波羅牢伽彌尼聞已怖懼戰慄身毛皆豎即從座起頭面禮足長跪又手白世尊曰悔過瞿曇自昔善逝如愚如癡如不定如不善所以者何我以妾說沙門

瞿曇是幻唯願瞿曇受我悔過見罪發露我悔過已護不更作世尊告曰如是伽彌尼汝實如愚如癡如不定如不善所以者何謂汝於如來無所著等正覺妾說是幻然汝能悔過見罪發露護不更作如是伽彌尼若有悔過見罪發露護不更作者則長養聖法而無

薄四

十五

有失於是波羅牢伽彌尼叉手向佛白世尊曰瞿曇有一沙門梵志如是見如是說若有殺生者彼一切即於現法受報因彼生憂苦若有不與取妾言彼一切即於現法受報因彼生憂苦沙門瞿曇於意云何世尊告曰伽彌尼我今問汝隨所解答伽彌尼於意云何若村邑中或有一人頭冠華鬘雜香塗身而作倡樂歌舞自娛唯作女妓歡樂如王若有問者此人本作何等今頭冠華鬘雜香塗身而作倡樂歌舞自娛唯作女妓歡樂如王或有答者此人爲王殺害然家王歡喜已即與賞賜是以此人頭冠華鬘雜香塗身而作得

樂歌舞自娛唯作女妓歡樂如王伽彌尼汝
如是見如是聞不答曰見也瞿曇已聞當聞
伽彌尼又復見王收捕罪人反縛兩手打鼓
唱令出南城門坐高標下而梟其首若有問
者此人何罪爲王所戮或有答者此人枉殺
王家無過之人是以王教如是行刑伽彌尼

汝如是見如是聞不答曰見也瞿曇已聞當
聞伽彌尼若有沙門梵志如是見如是說若
有殺生彼一切即於現法受報因彼生憂苦
彼爲真說爲虛妄言答曰妄言瞿曇若彼說
妄言汝意信不答曰不信也瞿曇出尊嘆曰
善哉善哉伽彌尼復問伽彌尼於意云何若
村邑中或有一人頭冠華鬘雜香塗身而作
倡樂歌舞自娛唯作女妓歡樂如王若有問
者此人本作何等今頭冠華鬘雜香塗身而
作倡樂歌舞自娛唯作女妓歡樂如王或有
答者此人於他國中而不與取是以此人頭
冠華鬘雜香塗身而作倡樂歌舞自娛唯作

女妓歡樂如王伽彌尼汝如是見如是聞不
答曰見也瞿曇已聞當聞伽彌尼又復見王
收捕罪人反縛兩手打鼓唱令出南城門坐
高標下而梟其首若有問者此人何罪爲王
所戮或有答者此人於王國而不與取是以
王教如是行刑伽彌尼汝如是見如是聞不
薄四

十六

答曰見也瞿曇已聞當聞伽彌尼若有沙門
梵志如是見如是說若有不與取彼一切即
於現法受報因彼生憂苦彼爲真說爲虛妄
言答曰妄言瞿曇若彼說妄言汝意信不答
曰不信也瞿曇出尊嘆曰善哉善哉伽彌尼
復問伽彌尼於意云何若村邑中或有一人
頭冠華鬘雜香塗身而作倡樂歌舞自娛唯
作女妓歡樂如王若有問者此人本作何等
今頭冠華鬘雜香塗身而作倡樂歌舞自娛
唯作女妓歡樂如王或有答者此人作妓能
戲調笑彼以妄言令王歡喜王歡喜已即與
賞賜是以此人頭冠華鬘雜香塗身而作倡

樂歌舞自娛唯作女妓歡樂如王伽彌尼汝
如是見如是聞不答曰見也瞿曇已聞當聞
伽彌尼又復見王收捕罪人用棒打殺盛以
木檻露車載之出北城門棄著灘中若有問
者此人何罪爲王所殺或有答者此人在王
前妄有所證彼以妄言欺誑於王是以王教
取作如是伽彌尼汝如是見如是聞不答曰
見也瞿曇已聞當聞伽彌尼於意云何若有
沙門梵志如是見如是說若有妄言彼一切
即於現法受報因彼生憂苦彼爲眞說爲虛
妄言答曰妄言瞿曇若彼說妄言汝意信不
答曰不信也瞿曇世尊歎曰善哉善哉伽彌

舊

十七

尼於是波羅牢伽彌尼即從座起偏袒著衣
叉手向佛白世尊曰甚奇瞿曇所說極妙善
喻善證瞿曇我於北村中造作高堂敷設牀
蓐安立水器然大明燈若有精進沙門梵志
來宿高堂我隨其力供給所須有四論士所
見各異更相違反來集高堂於中論士如是

見如是說無施無齋無有呪說無善惡業無
善惡業報無此世彼世無父無母世無真人
往至善處善去善向此世彼世自知自覺自
作證成就遊第二論士而有正見反第一論
士所見所知如是見如是說有施有齋亦有
呪說有善惡業有善惡業報有此世彼世有
父有母世有真人往至善處善去善向此世
彼世自知自覺自作證成就遊第三論士如
是見如是說自作教作自斷教斷自養教養
愁煩憂感槌胷懊惱啼哭愚癡殺生不與取
邪淫妄言飲酒穿牆開藏至他巷陌害村壞
邑破城滅國作如是者爲不作惡又以鐵輪

利如剝刀彼於此地一切衆生於一日中研
截斬剉剥裂剗割作一肉段一分一積因是
無惡業因是無惡業報恒水北岸殺斷煮去
恒水北岸施與作齋呪說而來因是無罪無
福因是無罪福報施與調御守護攝持稱譽
饒益惠施愛吉利及等利因是無福因是無

福報第四論士而有正見反第三論士所知
所見如是見如是說自作教作自斷教斷自
教教愁煩憂感惱懊惱啼哭愚癡殺生
不與取邪婬妾言飲酒穿牆開藏至他巷陌
害村壞邑破城滅國作如是者實爲作惡又
以鐵輪利如剃刀彼於此地一切衆生於一

日中斫截斬剗剥裂割作一肉段一分一
積因是有惡業因是有惡業報恒水南岸殺
殺斷莖去恒水北岸施與作齋呪說而來因
是有罪有福因是有罪福報施與調御守護
攝持稱譽饒益惠施愛言利及等利因是有
福因是有福報瞿曇我聞是已便生疑惑此

薄四

十八

沙門梵志誰說真實誰說虛妄世尊告曰伽
彌尼汝莫生疑惑所以者何因有疑惑便生
猶豫伽彌尼汝自無淨智爲有後出爲無後
出伽彌尼汝又無淨智所作爲惡所作爲善
伽彌尼有法之定名曰遠離汝因此定可得
正念可得一心如是汝於現法便斷疑惑而

得昇進於是波羅牢伽彌尼復從座起偏袒
著衣叉手向佛白世尊曰瞿曇云何法定名
曰遠離令我因此可得正念可得一心如是
於現法便斷疑惑而得昇進世尊告曰伽彌
尼多聞聖弟子離殺斷殺不與取邪婬妾
言至斷邪見得正見彼於晝日教田作耕稼
至暮放息入室坐定過夜曉時而作是念我
離殺斷殺斷不與取邪婬妾言至斷邪見得
正見彼便自見我斷十惡業道念十善業道
彼自見斷十惡業道念十善業道已便生歡
悅生歡悅已便生於喜生於喜已便止息身
止息身已便身覺樂身覺樂已便得一心伽
彌尼多聞聖弟子得一心已則心與慈俱遍
滿一方成就遊如是二三四方四維上下普
周一切心與慈俱無結無怨無恚無諍極廣
甚大無量善修遍滿一切世間成就遊彼作
是念若有沙門梵志如是見如是說無施無
齋無有呪說無善惡業無善惡業報無此世

薄四

十九

彼世無父無母世無真人往至善處善去善
向此世彼出自知自覺自作證成就遊若彼
沙門梵志所說真實者我不犯世怖與不怖
常當慈愍一切世間我心不與衆生共諱無
濁歡悅我今得無上人之法昇進得安樂居
謂遠離法定彼沙門梵志所說不是不非不
是不非已得內心止伽彌尼是謂法定名曰
遠離汝因此定可得正念可得一心如是汝
於現法便斷疑惑而得昇進復次伽彌尼多
聞聖弟子離殺斷殺斷不與取邪婬妾言至
斷邪見得正見彼於晝日教田作耕稼至暮
放息入室坐定過夜曉時而作是念我離殺
斷殺斷不與取邪婬妾言至斷邪見得正見
彼便自見我斷十惡業道念十善業道彼自
見斷十惡業道念十善業道已便生歡悅生
歡悅已便生於喜生於喜已便止息身止息
身已便身覺樂身覺樂已便得一心伽彌尼
多聞聖弟子得一心已則心與悲俱遍滿一

方成就遊如是二三四方四維上下普周一
切心與悲俱無結無怨無恚無諍極廣甚大
無量善脩遍滿一切世間成就遊便作是念
若有沙門梵志如是見如是說有施有齋亦
有呪說有善惡業有善惡業報有此世彼世
有父有母世有真人往至善處善去善向此
世彼世出自知自覺自作證成就遊若彼沙門
梵志所說真實者我不犯世怖與不怖常當
慈愍一切世間我心不與衆生共諱無濁歡
悅我得無上人之法昇進得安樂居謂遠離
法定彼沙門梵志所說不是不非不是不非
已得內心止伽彌尼是謂法定名曰遠離汝
因此定可得正念可得一心如是於現法便
斷疑惑而得昇進復次伽彌尼多聞聖弟子
離殺斷殺斷不與取邪婬妾言至斷邪見得
正見彼於晝日教田作耕稼至暮放息入室
坐定過夜曉時而作是念我離殺斷殺斷不
與取邪婬妾言至斷邪見得正見彼便自見

我斷十惡業道念十善業道彼自見斷十惡業道念十善業道已便生歡悅生歡悅已便生於喜生於喜已便止息身止息身已便身覺樂身覺樂已便得一心伽彌尼多聞聖弟子得一心已則心與喜俱遍滿一方成就遊如是二三四方四維上下普周一切心與喜

俱無結無怨無恚無諍極廣甚大無量善修遍滿一切世間成就遊便作是念若有沙門梵志如是見如是說自作教作自斷教斷自煮教煮愁煩憂感椎胷懊惱啼哭愚癡殺生不與取邪姪妾言飲酒穿牆開藏至他巷陌害村壞邑破城滅國作如是者為不作惡又以鐵輪利如剃刀彼於此地一切衆生於一日中斫截斬剗剥裂剗割作一肉段一分一積因是無惡業因是無惡業報恒水南岸殺斷煮去恒水北岸施與作齋呪說而來因是無罪無福因是無罪福報施與調御守護攝持稱譽饒益惠施愛言利及等利因是無福

因是無福報若沙門梵志所說真實者我不犯世怖與不怖常當慈愍一切世間我心不與衆生共諍無濁歡悅我得無上人之法昇進得安樂居謂遠離法定彼於沙門梵志所說不是不非不是不非已內得心止伽彌尼是謂法定名曰遠離汝因此定可得正念可

薄四

王一

得一心如是於現法便斷疑惑而得昇進復次伽彌尼多聞聖弟子離殺斷殺斷不與取邪姪妾言至斷邪見得正見彼於晝日教田作耕稼至暮放息入室坐定過夜曉時而作是念我離殺斷殺斷不與取邪姪妾言至斷邪見得正見彼便自見我斷十惡業道念十

善業道彼自見斷十惡業道念十善業道已便生歡悅生歡悅已便生於喜生於喜已便止息身止息身已便身覺樂身覺樂已便得一心伽彌尼多聞聖弟子得一心已則心與捨俱遍滿一方成就遊如是二三四方四維上下普周一切心與捨俱無結無怨無恚無

諍極廣甚大無量善修遍滿一切世間成就遊彼作是念若有沙門梵志如是見如是說自作教作自斷教斷自煮教煮愁煩憂感椎胷懊惱啼哭罵癡殺生不與取邪婬妄言飲酒穿牆開藏至他巷陌害村壞邑破城滅國作如是者實爲作惡又以鐵輪利如剝刀彼

於此地一切衆生於一日中所截斬剝剥裂制割作一肉段一分一積因是有惡業因是有惡業報恒水南岸殺斷煮去恒水北岸施與作齋呪說而來因是有罪有福因是有罪福報施與調節守護攝持稱譽饒益惠施愛吉利及等利因是有福因是有福報若沙門

梵志所說真實者我不犯世怖與不怖常當慈愍一切世間我心不與衆生共諍無濁歡悅我得無上人之法昇進得安樂居謂遠離法定彼於沙門梵志所說不是不非不是不非已得内心止伽彌尼是謂法定名曰遠離汝因此定可得正念可得一心如是於現法

便斷疑惑而得昇進說此法時波羅牢伽彌尼遠塵離垢諸法法眼生於是波羅牢伽彌尼見法得法覺白淨法斷疑惑更無餘尊不復從他無有猶豫已住果證於世尊法得無所畏即從座起稽首佛足白曰世尊我今自歸佛法又比丘衆唯願世尊受我爲優婆塞從今日始終身自歸乃至命盡佛說如是波羅牢伽彌尼及諸比丘聞佛所說歡喜奉行 波羅牢經第十竟

中阿含經卷第四

初一日誦

二王末

薄四

獮猴二字音雞拘下昌列反數稱上音崩難
詰上去聲下起一保部果反櫛苦回反說
抄劫掠也
菜茹下而稗子似稻草子也
反楚交反
也
編髮必綿反拔皮八蹲皆荐手序下音
也
白箭金闕西呼箭曰
創古文
檢撓下必者反
檢押也捷

曲也治箭 積積上而羊反 掉悔上徒羸力垂
株好上昌暉暉上千里反 掉悔上徒羸力垂
有卒人於事者說文餘下于鄭蔽必祭反
下音步標以搆而舉下占堯反戰慄下良吉反
已 捧打上蒲反檻胡咸反追直追反收捕
剥裂上必角剗割上之輶反截也 剝七叶反
刻剗割說文斬首也

中阿含經卷第五

有十

初一日誦 薄五

東晉罽賓三藏瞿曇僧伽提婆譯

舍梨子相應品第三

等心得戒智師子 水喻瞿尼梵陀然
教病拘縛象跡喻 分別四諦最在後
舍梨子相應品等心經第一

我聞如是一時佛遊舍衛國在勝林給孤獨
園爾時尊者舍梨子與比丘衆夜集講堂因
內結外結爲諸比丘分別其義諸賢世實有
二種人云何爲二有內結人阿那含不還此
間有外結人非阿那含還來此間諸賢云何
內結人阿那含不還此間若有一人修習禁

戒無穿無鉢無穢無觸極多無難聖所稱譽
善修善具彼因修習禁戒無穿無鉢無穢無
觸極多無難聖所稱譽善修善具故復學狀
欲無欲斷欲因學狀欲無欲斷欲故得息心
解脫得已樂中愛惜不離於現法中不得究
竟智身壞命終過搏食天生餘意生天中既

生彼已便作是念我本爲人時修習禁戒無
穿無鉢無穢無觸極多無難聖所稱譽善修
善具因修習禁戒無穿無鉢無穢無觸極多
無難聖所稱譽善修善具故復學狀欲無欲
斷欲因學狀欲無欲斷欲故得息心解脫得
已樂中愛惜不離於現法中不得究竟智身
壞命終過搏食天生餘意生天在於此中諸
賢復有一人修習禁戒無穿無鉢無穢無觸
極多無難聖所稱譽善修善具彼因修習禁
戒無穿無鉢無穢無觸極多無難聖所稱譽
善修善具故復學狀欲無欲斷欲故得息心解